


御製文初集

卷三 卷四



御製文初集卷之三

碑文

裕陵聖德神功碑

洪惟我

皇考高宗純皇帝體乾知臨魏煥鑠人
耳目深仁醲澤浹民心於億萬年予小
子曷敢規天極摹暎輪然而親炙



御製文初集 卷三
提命哀慕罔極有切於臣民所見聞者
不辭掛漏敬用闡宥密揭綱條以昭信
於奕禩敘曰

高宗法天隆運至誠先覺體元立極敷
文奮武孝慈神聖純皇帝

世宗敬天昌運建中表正文武英明寬
仁信毅睿聖大孝至誠憲皇帝之四子

也

母孝聖慈宣康惠敦和誠徽敬天光聖
憲皇后於康熙辛卯八月十三日子刻
誕育

聖躬生而神靈年十二隨

世宗初侍

聖祖宴於牡丹臺一見異之曰是福過

御製文初集 卷三
於予厥秋扈

駕避暑山莊暨木蘭行圍

躬承

恩眷詳見

聖製紀

恩堂記於是灼然有太王貽孫之鑒而
燕翼之志益定年二十有五繼嗣大寶

初政日新天下咸誦堯舜復出善繼善

述一念敬勤亘六十三年不息倍乾體

天合一

郊

廟必親庶徵克念曰雨曰暘惟動不應

乾隆二十三年夏旱

爲文以雩曰嗚乎其惠雨乎步至

御製文苑集 卷三
壇所讀祝未竟晨霞矗霄霖雨立沛自
是有願必孚故自號曰信

天主人惟

祖

考啟佑陟降在庭每晨恭讀

五朝實錄追遠篤親觀揚光烈四詣盛

京歲時上

諸陵發聲必哀蓋終身孺慕孝乎惟孝
也事

孝聖憲皇后四十二年晨昏問侍扶掖
安輦極尊養之隆祝釐讓善至於終身
以

古稀天子致戚盡禮有加於儒行純乎
純孝也推仁錫類莫先親親則有念功

在集文初集 卷三
繼絕紹開國睿親王豫親王之封普錫
宗室四品頂帶尊賢重道則有懷舊三
先生之詠

乾綱獨握刑賞予奪信若四時迅若雷
霆平若衡斗去已甚而不爲已甚

躬勤萬幾批荅章奏不爽晷刻萬里之
外若鏡照而的貫

六巡江浙樅石塘以捍海濬陶莊以奠
河五詣

關里以及岱嵩五臺省方觀民行慶施
惠所至咸悅歲乙丑庚寅丁酉庚戌乙
卯五蠲天下正供丙戌己亥普免漕糧
又全豁積逋者一水旱偏禨朝報夕發
賑濟復緩之

御製文集卷三
詔歲不絕書賜帑金不啻鉅億億萬不
以逆億而稍屯其膏所以重民天固邦
本活貧惇之黎庶如沙如塵不可紀數
此則至仁善政

天信民順培元氣於無垠萬世子孫所
當法守者也

天縱多能執經心闡史要石鼓石經之

碣四庫七閣之弄

御製詩五集文三集之外又成餘集乾

苞坤負日光海湧浩浩乎其無盡藏也

建辟雍宴千叟舉鴻博經學之儒開鄉

會文武恩科者十四存閏位以公大統

謚忠義而別貳臣蓋敷文教者禕矣

天錫勇智嘗

親御弧矢二十發而十九中歲獮木蘭
服不殫猛蒙古四十九藩拱觀而震懼
再犁伊犁名王扈馬收回部關地二萬
里黃河之源葱嶺于闐之山皆列疆內
兩平金川靖臺灣歸緬甸朝安南降廓
爾喀

武功十全而齊倫甘回楚苗潢池荏苒

之俘馘不與焉西洋航海諸國却奇琛
而不寶所以昭德威於無外也五福備
臻

親見五代九疇攸敘壽開九如集

列祖創守之大成兼堯舜禹湯文武孔
子之勲德帝王以來未有若斯之盛者
也臨御初元默禱於

天曰

仁皇帝享國六十一年予不敢羸

天克如所願必傳位於子勿違初志乾隆六十年乙卯秋九月三日乃宣立儲詔明年丙辰正月朔旦遂

授璽於藐躬辭不獲允

訓政三年耳提手攜辟呬加膝之恩無

以喻也子臣日侍

慈顏每以敬

天法

祖勤政愛民四大端爲

誨而以爲人君止於仁二語時存於心

行之必本於誠此三年中常承之

訓子臣服膺勿敢失并告之子孫以爲

心傳

家法也凡遇朝會燕饗子臣侍坐恭陪

親愉

色笑上

壽捧觴

手賜肴饌藹然

父子家人之樂侍從諸臣及外藩陪隸

咸目覩傳為

天家盛事子臣方期我

皇父壽邁期頤來雲繞

膝合天下萬國歡心永祝無疆之慶而

聖體康強神明彌健乃自去冬至日後

偶染微寒猶孜孜宵旰

訓政如常今已未正月三日疾大漸猶

御製文初集 卷三
手握子臣手勤拳眷愛至辰刻竟脫屣
升遐嗚乎痛哉攀髯號弓天裂地震蓋
聖壽八十有九從此予小子何所仰佑
哉伊古世及傳子之帝有如我
皇父之慈者乎繼統受命之君有如予
小子受
恩之重者乎予小子其何以報

昊天之恩繼純亦不已之志以仰慰
在天之靈於萬一也嗚乎痛哉敬卜於
是秋九月庚午塋葬
裕陵以

孝賢誠正敦穆仁惠輔天昌聖純皇后
孝儀恭順康裕慈仁翼天毓聖純皇后
暨諸母妃祔謹和淚濡毫拜手稽首而

作頌曰惟

天篤

聖萬古一人惟

聖合

天萬善一身於穆

皇考得

天之純質乎

高哉曷克擬倫生而神哲少長岐嶷

聖祖灼知孫有聖德曰福予盈惟是貽

翼

世宗繼志題名殿極嗣

聖握符飛龍在天初政濯濯久道乾乾

日新又新八十九年始終一貫智周聖

全

四郊六宗至誠禋格雨暘肅父欲呼

天尺信

天天順如攜如獲四得無違十全有真

文謨

武烈丕顯丕承念茲在茲繼繼繩繩長

白鴨綠

東

西山陵四孟大裕俊愷式憑孝於

慈寧扶掖安膳松鶴怡愉袞龍舞抃頤

養豫游孝思齋奠

古稀孺慕推仁錫羨民惟邦本圖易思

艱底績河海鞠謀痼瘵

大賚鉅億散金邱山保我赤子甦枯飢

屏時巡歲省達聰明日懲貪察廉六馭

在握惟日孜孜以永天祿執兩用中權
衡圭粟

文思天直萬卷緯經淵源津溯甲乙丙
丁五三

御集金石碣銘八音從風北極拱星

大武維揚張我九伐北盪天山西厭月
蝟

廟謨神斷審幾在括金川紅毛至於拔
達八徵九敘旣壽且康初服禱

穹繩武不遑

天如從願周甲褰裳簡畀忝德敢不敬
禮倦勤彌勤

授政訓政嗟予小子神視氣聽乘雲帝
鄉攀號無縈

御製文初集 卷三
美牆如在曷温曷清

聖德蕩蕩

神功巍巍於昭在上嗚乎瞻依聖水淙
壑靈山翠微億年安宅鞏我不基

御製文初集卷之四

碑記

河南衡家樓新建

河神廟碑記

黃河發源崑崙東流入於甘陝出三門
底柱之險至於孟津遂浩浩湯湯以達
於海其性挾沙易於壅積有壅積之害

則難免潰決之患本朝百數十年以來
遭水患者屢矣莫不發帑堵築雖用民
力卽可賑恤實一舉而數善備舍此豈
有良法哉予小子敬承大業恪守成規
嘗恭讀

皇考聖製文云河工關係民命未深知
而謬定之庸碌者惟遵旨而謬行之其

害可勝言哉煌煌

聖訓實子子孫孫所應遵守歲癸亥九
月已逾秋汛方盼安瀾之奏忽驚河臣
嵇承志飛章入告河北岸衡家樓汛大
河奪溜於十三日衝決堤身數日之間
陸續塌寬竟至五百餘丈河流直注大
名所屬長垣三州縣遂入山東省抵張

秋鎮橫穿運道下匯鹽河由利津入海
此實予之不德上千

天和以致大變然徒戰兢失措於事奚
益亟命侍郎那彥寶馳赴工次總辦堵
築事宜仍命巡撫馬慧裕總河嵇承志
襄辦鳩工集料協濟帑金不下一千萬
兩賑恤難民同時並舉直隸則命藩司

瞻柱遍施大賑山東則命尚書費淳同
巡撫鐵保督辦運道安民諸務幸諸臣
協力同心敬勤不懈使民受實惠而少
流離運道疏通而鮮阻滯於十月初三
日興工僭辦晝夜無停感

昊慈垂佑隆冬冰薄全消互凍人力易
施又兼引河得勢計日可歲鉅工河之

初決也予心焦急不得善策乃進廷臣
詢訪咨諏以收集思廣益之效諸大臣
各抒嘉猷入告俱隨時指示遍加採納
亦有謂河北徙諉之氣數乃禹治水之
故道聽其自流不必堵築予心不以爲
是豈有舍數百萬人民田產廬舍付之
洪流况七省漕運要道尤爲國家大計

若輕議更張是自貽伊戚非至愚者不
爲也當更張而不更張固爲失算若不
必更張而妄爲其患更甚治河如聚訟
於茲益信矣河決在衡家樓北岸集夫
鳩料築堤埵開引渠拳茭下埽疊壩刷
沙工鉅用繁恐未能必成自興工後感
沐

御製文初集 卷四
河神庇護毫無阻滯日有進益北岸施
工倍難况大河全趨非漫溢分溜可比
設冬令嚴寒不能興築春汛漲發盛滿
堪虞則合龍必遲漕運有阻所繫綦重
茲於二月下旬費淳鐵保奏報南糧首
幫全渡張秋漫口連檣北上是運道無
虞靜俟合龍佳信矣忽於三月三日驚

聞東壩蟄陷三十餘丈恐懼寸忱宵旰
莫釋續據那彥寶等具奏搶護平安引
河通暢仍可望月內合龍夫成敗樞機
總由

天眷感懼之誠彌增敬慎之念益切唯
俟河復民安稍贖予咎耳自是遷徙無
定又趨西壩諸臣盡力督辦中旬以後

御製文初集 卷四
河流漸歸引河至二十二日金門挂纜
進埽斷流亥時合龍全河復歸故道予
敬感

天恩深厚

祖

考默佑使百萬生民咸登衽席七省漕
運仍歸天庾皆沐

河神垂庇記云禦災捍患則祀之敬命
擇地建廟卜吉興工春秋致祭庶伸感
謝寸誠永慶安瀾波恬軌順與臣民同
沐

鴻慈曷其有極哉夫以五百餘丈之鉅
工况值沙浮地凍之候三冬氣暖不日
而成雖稍有蟄陷而旋轉甚速

上蒼昭格如其上甚可畏也予寅承
大寶益壘敬勤虔惕之懷文不能述謹
泐豐碑用紀實事是爲記

記

南郊記

記云郊之祭也大報本反始也蓋萬物
生於一陽來復之樞機天心可見雖行

夏之時而冬至實歲之首周建子月洵
爲古制也人君爲

天之子昭事

天父日監在茲何時有懈敬值

大祀先期三齋七戒靜攝寸心庶幾清
明在躬上對

昊蒼使兆庶乂安百穀蕃茂典至重大

理極精微其可忽哉予小子於丙辰元
旦大廷受璽渥荷

聖恩始知我

皇考於癸巳年卽以予名定儲位

告

上帝是予自十四歲卽受

天眷感畏之忱益增敬事之誠倍切三

載以來政無鉅細皆稟承

庭訓得所遵循自己未歲攀畱弗及每

遇用人行政無不仰祈

天佑如響應聲之

昭格曷敢枚舉感極生懼惟夙夜敬勤

益凜受命保命之至理升香薦幣咫尺

對越嚴恭寅畏之肫誠實不能自已茲

將有事於

郊壇敬申素悃以勵前修盡人事而迓
天慈奚可稍存怠忽書曰曷其奈何弗
敬予服膺斯訓永矢毋忘庶繼

皇考之志常沐

上天之恩期於率土臣民共享昇平之
福鞏固我國家丕基胥在於是爲君之

要爲政之本不踰乎敬

天法

祖敢不竭誠盡敬乎謹記

勤政殿記

我

皇考於理事正殿皆顏勤政誠以持心
不可不敬爲政不可不勤也六十餘年

身體力行垂教後嗣子孫臣庶觸目警
心知所效法永保無疆之庥常警怠忽
之念予小子敬承大業夕惕朝乾無時
或懈蓋天下至大惟日孜孜恒恐不及
若聽政不勤或勤而不加審察則叢脞
隨之流弊滋甚矣夫敬爲勤之本惟敬
勝怠心主於敬則無時不提撕警省所

謂清明在躬氣志如神遇事洞燭見理
精詳雖克勤而不覺其勞無所用其勉
強從容中道心主於敬之功效也自天
子以至於庶人皆以敬勤爲立身之本
君勤則國治怠則國危臣勤則政自理
怠則政不綱爲學不勤則學業無成力
農偶怠則田功必棄以至工商賤業事

御製文初集 卷四
雖異而理則同也然勤勝怠人所同知
彼好逸厭勞者皆心不能主於敬故不
勝怠惰之念耳我朝

家法無一日不聽政臨軒中外臣工內
殿進見君臣無間隔睽違上下交泰民
隱周知視前明之君深居大內隔絕臣
工竟有不識宰相之面者相去奚啻霄

壤朕承

考訓曷敢忘敬勤曷敢耽逸樂一日二
日萬幾至繁且重內而六部九卿外而
直省大吏誠能夙夜在公存心匪懈各
勉敬勤匡予不逮衆志成城何患不治
乎若心存懈怠身耽安逸惟知尸祿保
位國計民生漠不動念則政事廢弛其

御製文初集 卷四
害可勝言哉故書此記於殿壁既以自
戒兼告諸臣庶幾永持此敬勤不怠之
志仰副我

皇考垂示後人立身圖治之大經大法
期共勉以毋忘是予之至願也謹記

北郊記

乾爲父坤爲母大易之微言古今之通

義也一陰一陽由太極而分兩儀化育
萬物皆沐

天

地栽培鼓盪之深慈高明博厚悠久無
疆誠不可測度亦無由仰報唯盡此寸
衷之誠敬耳予去歲敬製

南郊記專申事

天之精義茲將有事於

北郊復闡明事

地之鉅典夫雨露降自天稼穡生於地
上下網緼化醇庶物天爲用而地爲體
感召之理豈有歧異乎日月麗天山川
著地人爲萬物之靈咸沐生成

大德故燔柴於

泰壇祭

天也瘞埋於

泰折祭

地也資生載物无疆合德而品彙咸亨
安貞有慶含宏光大而純厚永賴恒久
攸常發育裁成之妙與

天配德祀典與

御製文初集 卷四
園丘並重者此義也冬至一陽來復故
報本於

南郊夏至祭

北郊其義同而理極元妙其典重而心
主精誠爲天下萬民祈福悉本於寸衷
昭事庶幾上格

地祇雨暘時若百穀用成曷敢忽哉追

思三年

訓政每遇予小子致祭

大祀之先期必

召至寢殿諄諄申諭致齋必潔主祭必
誠

言猶在耳永矢弗諉敬製斯文以示臣
庶俾曉然共知予今日敬事之忱悉本

我

皇考當年之

誨期與天下黎元永承

慈澤靡有涯涘矣謹記

毓慶宮記

紫禁東偏地當左个爲毓慶宮雍正年

間

皇考同和恭親王奉

命居此宮至乾隆年間予與諸兄弟子

姪同居者益衆矣實諸皇子皇孫養正

毓德之那居非予一人武功慶善之潛

邸也敬溯庚戌正月三日

諭以重華宮爲興祥之所卽歸政以後

亦尚思年節重臨奉時行慶世世子孫

御製文集卷四
惟當永遠奉守母事更張至東五所內
爲年少皇子皇孫公共所居若照重華
宮之例另行興建不特宮牆四圍別無
隙地可以廓展且亦非朕垂示後昆之
意仰見我

皇考垂裕貽謀昭茲奕禩世世所當敬
守然今之不令諸皇子居此之故則不

可不明示予意也予在潛邸時宮中曾
居毓慶宮及千嬰門內之頭二所後移
居擷芳殿之中所今皆仍循其舊遵
訓曷敢少易哉歲乙卯九月三日宣
諭立儲於十一月十八日

命自擷芳殿移居毓慶宮復

賜額繼德堂丙辰元旦寅承大寶日侍

御製文苑集 卷四
寢門之膳敬申定省之忱胥自此宮趨
詣誠古今未有之盛事也我
皇考曾著儲貳金鑑一書立萬世之大
防爲熙朝之良法予之不令諸皇子居
此宮者亦敬法

皇考慎簡元良維持久遠非敢別有創
造爲幾暇遊觀之地敬申此義書於宮

庭觀斯記者亦可知予承

先垂後之深意矣繫以銘曰

寅荷

天眷渥承

考慈繼德爰處受福無涯書成金鑑念
茲在茲旣屏窺測庶杜猜疑豈圖逸樂
匪事遊嬉竹苞松茂桂棟雲楣國禎家

慶鞏我邦基子孫永保敬守良規

